

tivam seu proximitatem gradus succedunt, sublata, non tantum differentia agnationis & cognationis, sed etiam linearum ascendentium & descendantium, adeo ut ne quidem duplicitas vinculi attendatur.

## LXIV.

Is, qui in adoptionem datus est, tam in familia naturalis patris iura cognationis retinet, quam in familia adoptiva nonciscitur, sed eorum duntaxat cognationem nanciscetur, quibus fit agnatus, in naturali autem omnium retinebit l. 1. §. 1. ff. unde cognat. l. 2. §. 3. ff. de suis & legit. T H. LXV.

Nam omnes cognatos sanguinis ratio vocat ad hereditatem, gradatum autem admittuntur ad successionem, ut qui sunt primo gradu omnes simul admittantur. l. 1. §. pen. & l. 2. ff. unde cognat.

## T H. LXVI.

Successionis tamen jus, quod proximitatis nomine fratri adoptivo defertur, non solum mortis tempore, sed etiam eo, quo bonorum possessio petenda, intuendum. l. 3. ff. unde cognat.

## T H. LXVII.

Legitima autem hereditas tantum proximo defertur. Nec interest unus solus sit, an ex duobus prior pluribusve, an duo pluresve ab eodem gradu venientes, qui vel ceteros antecedant, vel soli sint. l. 2. §. 4. ff. de suis & legit.

## T H. LXVIII.

Si quis prægnantem uxorem reliquisset & matrem & sororem: si viva uxore mater mortua fuerit, deinde uxor peperisset, ad sororem sola legitima pertinet l. 8. §. 1. ff. de suis & legit.

## T H. LXIX.

Si ex pluribus legitimis heredibus quidam omiserint hereditatem, vel morte vel qua alia ratione impediti, quo minus adeant, reliquis qui adierint, ac crevit illorum portio, & licet decesserint, antequam ad cresceret, hoc jus ad heredes illorum pertinet. l. si ex pluribus, 9. ff. de suis & legit.

## T H. LXX.

Cognato, si intra annum proximo pupillo tutorem non petierit, ab intestato successio ejus, si impubes moritur, denegatur. l. sciant. 10. C. de legit. hered.

F I N I S.